



ЛЕНИНЭНЬ КИЯВА

ВЛКСМ-нь Мордовской обкомонь ды Саранск ошонь комитетэнь газетаст

1941 ие
МАРТОНЬ
16-це чи
31 (1327) №

ЛИСИ: 11-це нө,
12 № ковс

Колхозной веленть культуранзо кис

Колхозной строесь овси-лякс теизе веленть, лякс теизе крестьянстванть эрмонзо ды бытэнзэ. «Ташто велесь сехте неавикс таркасо сонзэ церькованзо марто, васенце плансо урядникень, попонь, кулакось сонзэ сехте вадра кудотнень марто, меельце плансо крестьянтнень пельс каладозь сонзэ кудотнень марто, кармась ёмамо, — кортась Сталин ялгась 1934-це иестэ. — Сонзэ таркас кармась улеме од веле сонзэ общественно-хозяйственной постройканзо марто...»

Минек республикань колхозниктне, кода и весе колхозной крестьянствась, эрять вадра кудосо, зажиточнойстэ ды культурнойстэ. Эрва велесэ улить школат, клубт, ловнома кудот, библиотекарт. Колхозниктне сеетсэ ванкшнить звуковой кино-фильмат, выписывают ды ловныть газетат, журналт, кунсолыть радио.


Минек большевистской партиясь ды Советской правительствас эрва чистэ заботить колхозной велентнень благоустройстваст кис, велесэ культурно-просветительной учреждениентнень роботаст кемедеманть кис ды колхозниктнень бытэст икелепелев вадрылгавоманть кис. Партиясь ды правительствас свал заботить сень коряс, штобу покшолгавтомс велесэ школатнень, кинотеатратнень, клубтнень, библиотекартнень, ловнома кудотнень сетенть, шаштомс икелев колхознэсэ культуранть.

Зяро тесэ робота комсомольской организациентнень! Колхозной веленть культуранзо кис бороцямс ашти велень комсомолентнень пек покш ды почетной задачкас. Кинень жо васняк образцовыстэ аравтомс велесэ клубонт, ловнома кудонт, школанть ды библиотекарт роботаст? Кить жо васняк ды сехте пек должны бороцямс велень лия учреждениентнэсэ подлинной культуранть ды порядоконт кис? Велень комсомольской организациентне, комсомолентнэ ды комсомолкатне.

Минек республикань улить аволь аламо комсомольской организациат, конат тень коряс невить вадра пример, проявляют инициатива, кеместэ бороцить велесэ культуранть аравтомадо эсест решениаст ды обязательстваст топавтомаст кис. Но яла теке кой-ко еще комсомольской организациентне беряньстэ занимаются колхозной велентнэсэ культурань аравтомань вопроствасэ, велень культпросветучреждениентнэсэ вадра порядоконт аравтомань вопроствасэ. Истямокс можна ловомс Б.-Березниковской районь Паракина велень комсомольской организацианть. Тесэ ловнома кудось телень перть ульнесь апак уштен, библиотекарт сайнемс кнйгат колхозниктнень арась возможностьт секс, што сон ашти веленть эйстэ васолонь тарка—МТС-нь территорияс. Комсомолентнэ тесэ не беспокоит саяк, што колхозонь правлениань ды велень советэнь помещениентне свал эрсит пек рудавозт, аволь ванкст.

ВЛКСМ-нь Мордовской обкомонь II-пе пленумось кармавтынзе весе райкомтнень ды первичной комсомольской организациентнень ветиамс бороцямс велесэ культуранть кис. Эрви мобилизовамс комсомолентнэ лисьмань (урядомо, водоемонь тееме, ульяс чувтонь путнеме, велень советэнь, колхозонь правлениань помещениентнень, колхозниктнень квартираст культурнойс тееме.

Неть задачатнень топавтомаст кис должен эрва чистэ ды сиземань апак сода бороцямс велень эрва комсомолентнэсэ.



Саранск ошонь 44-це № железнодорожной школань физико-технической кружоконт. Керш ёндо вите: 7-це классонь тонавтицяне Коля Сурин, Юра Кудряшев, Леша Велков. Сын сынс ремонтировать физикань коряс наглядной пособиятнень.

Фотось Б. Козловонь.

Наукань коряс выдающейся роботатнень кис сталинской премиятнень присуждениясь

СССР-нь Союзонь Народной Комиссариатнень Советэсь примас постановлениа 53 советской ученойтнень сталинской премиятнень присуждениафонт физико-математической, технической, химической, биологической, сельскохозяйственной, медицинской ды геолого-минералогической наукатнень коряс выдающейся научной роботатнень кис.

Ученойтнень ютксо, конат удостоеннойт васенце степенень премиясо 100 тыща целковоень размерсэ—старейшей кораблестроителсь, СССР-нь Наукатнень Академиянь действительной членэс Алексей Николаевич Крылов; велень хозяйствань новаторсь Велень хозяйствань наукатнень Ленин лемсэ Всесоюзной Академиянь президентэс Трофим Денисович Лысенко; биохимиянь областсэнь крупнейшей ученось, СССР-нь Наукатнень Академиянь действительной членэс Алексей Николаевич Бах; артиллерийской леднемань выдающейся мастерэс, артиллериянь генерал-майорсь Петр Августович Гельвих; Наукатнень Украинской Академиянь президентэс Александр

Александрович Богомолец, конань научной трудонзо панжтнить од возможность практической медицинанть икеле; известной хирургось академиксь Николай Нилович Бурденко, конань содасыз весе мирсэнь сонзэ пек вадра научной роботатнень коряс шоконт черепно-мозговой хирургической операциятнень нервной системань травматнеде, удемень таргозевкстнэнь хирургической лечамодонт ды лият.

Омбоце степенень 50 тыща целковоень размерсэ премиясонть удостоеннойтнень ютксо—известной математиксь, СССР-нь Наукатнень Академиянь действительной членэс Сергей Львович Соболев; артиллериянь генерал-майорсь, Якстере Армиянь Дзержинский лемсэ Ленинэнь ордонэс Артиллерийской Академиянь профессорось Анатолий Аркадьевич Благоврадов; ученой-биологось Сталин лемсэ Тбилисской государственной университетэнь профессорось СССР-нь Наукатнень Академиянь действительной членэс Иван Соломонович Бериташвили.

(ТАСС).

Выдающейся изобретениятнень кис сталинской премиятнень присуждениясь

СССР-нь Союзонь Народной Комиссариатнень Советэсь постановил присудить сталинской премият выдающейся изобретениятнень кис 169 изобретательтнень.

100 тыща целковоень размерсэ васенце степенень премиясонть удостоеннойтнень ютксо—Грабин Василий Гаврилович, Социалистической Трудонь Героесь, кона разработал артиллерийской вооружениянь од типт; Дегтярев Василий Алексеевич, Социалистической Трудонь Героесь, кона создал стрелковой оружиянь образецт; Токарев Федор Васильевич, Социалистической Трудонь Героесь, кона разработал од типень стрелковой вооружениянь конструкцият; Шорин Александр Федорович, кона изобрел метод ды аппаратура пленка лангс механической записенть туртов ды звуконь воспроизведеният туртов.

50 тыща целковоень размерсэ омбо-

це степенень премиясонть удостоеннойтнень ютксо—Иванов Семен Павлович, «Союздетфильм» студиянь сотрудниксь, стереоскопической безочковой кинонь изобретателсь; Канах Сергей Степанович, Всесоюзной научно-исследовательской хлопковой институтонь сотрудниксь, кона кастась хлопчатникень сарей продуктивной сортт.

25 тыща целковоень размерсэ колмоце степенень премиясонть удостоеннойтнень ютксо—Гудвил Сергей Валерианович, Льговской опытной селекционной станциянь сотрудниксь, кона кастась сахарной якстерьякень сарей урожайной ды сарей сахаристой сортт; Кибель Илья Афанасьевич профессорсь, Главной Геофизической обсерваториянь научной сотрудниксь, кона разработал погодань икелев ёвтамонь од метод.

(ТАСС).

Тонавтиць ВКП(б)-нь XVIII-це конференциянь материалтнэнь

Чукалонь средней школасо эрсить дополнительной занятия партийной XVIII-це конференциянь материалтнэнь тонавтиеманть коряс. Преподавательтне ды сехте грамотной комсомолентнэ ютавтиць беседат, тейнить докладт конференциянь решениатнеде.

Партийной XVIII-це конференциянь материалтнэнь тонавтицятне толковать колхозниктнень ютксо бригадава. К. Киржайкин.

Ардатовской район.

Обязательства топавтызь

Шугурова велень Калинин лемсэ колхозонь комсомольской организациас сайнесь обязательства тунда видемантень пурнамс 8 центнерт птичий помет ды 6 центнерт куловт. Те обязательства комсомолентнэ топавтызь велькска. Сын пурнасть 35 центнер птичий помет ды 10 центнерт куловт.

Тесэ башка комсомолентнэ инициативаст ды участияст коряс ускось паксав 700 улав навоз. Навозось вачказь навозохранилищас.

Сех активной участия примасть те тевсэнь комсомольской комитетэнь секретарес Н. Пивкин ды Н. Аношкин, Кечайкин, Наземкин комсомолентнэ.

Ф. Пивкин.

Б.-Березниковской р-н.

Эрмонть эйстэ ве ёно

Ленинско-Сталинской комсомолонть роботасонзо меельсэ шкастонть теезь покш поворот военно-физкультурной воспитаниянь вопроствонть. Важнейшей задачкас аравтоз се, штобу комсомолентнэ ды од ломатне тонавтиць военной тевенть, закаляли эсь праст физически.

Ансяк Майдавань комсомольской организациас ашти весе тень эйстэ ве ёно. Комсомольской организациань секретаренть Учайкин ялганть чумонзо коряс комсомолентнэ эзь примакшно участия лыжной комсомольской кроссонть эйсэ. Арась анокстамо гимнастической соревнованиятненьгак.

Од ломатне, комсомолентнэ бажить тонавтиемс винтовканть, противогазонт. Вете ковдо тесэ икеле комсомолентнэнь Канаев ялгантень максозель поручения: организовамс комсомолентнэнь ды од ломатнень ютксо военно-физкультурной роботанть. Канаев мезеяк эзь тее поручениянт топавтоманзо коряс. Вете ковт яла Канаев алтнесь: «Вана молян районь учебно-наглядной пособия мельга, мейле наладим тевенть» ды те шкас яла аноксты модемс, те шкас яла «налажива-ет», робота жо арась.

Н. Канаев ды С. Канаев.

Кочкуровской район.

Комсомольской инициатива

Калинин лемсэ колхозсонть (Шугурова веле) комсомолентнэ инициативаст коряс яволявотзь виев бороцямс колхозной кардотнесэ ды ферматнесэ коромонь ды фуражонь ванстоманть кис, ёмавтиеманть каршо.

Коромонть ды фуражонть скотинатненень макснить зяро, зяро эрви нормань коряс. Ней а неят сень, штобу пильгало ускесель, лепшневел тикше, яровой олгт ды лия кором.

Ф. Пивкин.

Б.-Березниковской р-н.

Истя вана ютавтозель собраниясь

Кавто ковонь перть Антоновка велень Молотов лемсэ колхозонь комсомолетнэ эзь пурнавкшно вейс. Кавто ковт комсоргось Зюзина ялгась при эзь невте комсомолетнэнь. А ведь улить зярый востро, конат эрявольт бу толковамс собраниясь, истят востро, конат волнует комсомолетнэнь.

Но вана аволь умок лезь Зюзина ялганть мельс, што умок уш арасель собрания. Ды сеске жо, мартонь 1-це чистэнь, пурнызе комсомолетнэнь.

— Чинь повесткасось вейке востро, — мерсь Зюзина ялгась. — На, Вася, газетанть, ловнык те материалонть.

— Ловнок седе куро, ато монень кудов эряви туеме, — капшавсь комсоргось. Комсомолетнэсь ловнось истя бойка, што ветешка минутань ютазь ловноманть прыдызе.

— Тень эйсэ собраниянь прыдынек, — являвсь комсоргось ды сонсь капшазь тусь.

Организациясь улить истят комсомолет, конань 5—6 ды седе ламо ковонь кис апак пайдо членской взносо. Ды те ансяк комсоргонть чумонзо кувалт. Сон аволь ансяк а вети комсомольской работа, натои нуялды примаме эсь шкасто взностка.

А. Волгушев.

Дубенской район.

А топавтыть обкомонь II пленумонть решениянзо

Покш задакат аравсь велень комсомольской организациянть икелев ВЛКСМ-нь Мордовской обкомонь II-це пленумось культурно-массовой роботанть коряс, велесэ культуранть кис бороцанть коряс, неграмотностень ды малограмотностень ликвидациянть коряс.

Но Сайне велень комсомольской организациясь те шкас эзь кунда обкомонь пленумонть решениянть топавтомо. Комсомолетнэ овси а лездыть ловнома кудонть, а организовать од ломатнень ютко шкаст. А примить участия неграмотнойнень ды малограмотнойнень тонавтомасонть. Сынь комсомолетнэ а роботыть эсест идейно-политической уровенест кепедманть лангсо, натои а ловнокшныть газетаткак. Комсомольской организациянть секретаресь Асташкин ялгась мик не ознакомил комсомолетнэнь ВЛКСМ-нь обкомонь пленумонть решениянть марто.

И. Зайкин.

Дубенской р-н.

Сехте вадря класс

Васенце четвертьстэнь Саранск ошонь 44-це № школань 8-це «Б» классонть эйсэ успеваемость ульнесь 73 процент. Омбоце четвертьстэнь тонавтницатне кармасть бороцамо 100 процентэнь успеваемостень кис. Отличникне кемекстазель лавшосто тонавтницатнень лезамо. Ды куроксто эзь карма улеме берянь отметкат. Виде, Хользов получакшнось берянь отметка химиянть коряс, но куроксто лездасть тензэ получамс паро отметка.

Ней классось ловови сехте вадряк, успеваемость эйсэнь кепедзь 100 процентс. Классонть максозь переходящей якстере знамя. Тонавтницатне кортыть, што те знамянь сын а поддасызь эсь кедьстэст.

Успеваемостень кепедеманзо кис покш бороцамо ветясть классной руководителесь А. Ф. Гордеева ялгась ды пионерской активесь. Покш лескс макссь стеной газетась, конань эрва номерэ эрсить заметкат успеваемостень коряс, невтеви отличникнень опытэст. Весть сёрмадозель седе, мекс Маркина ученицась тонавтни беряньстэ. Сон ловинзе весе эсь асатыкстэнь ды кармасть парсте тонавтнеме.

Пионернэ, весе тонавтницатне бороцить сень кис, штобу тонавтнемань иенть прыдоме отличной ды паро отметка марто, весенень ютамс 9-це классонть.

Б. Сурцева.

Сын лездыть школанть

44-це номер школасонть ули родительской комитет, козонь совасть 11 ломань—тонавтницатнень тетят-ават, конат интересуются школанть весе работасонзо.

Комитетэнтень кочказь родительне ветить школасонть дежурства, эрсит уроко. Весе замечаниянть ды отзывнень сёрмалить дежурствань книга.

Комитетэнь заседания тердезель беряньстэ тонавтницэ эйкакштэнь тетят-ават. Кортнесть сынст марто, ёвнесть тест, кода эряви кудосо воспитывать эйкакштнень.

Школасонть Елисеев тонавтницась лововиль озорникес. Сонзэ тетянстэнь аванстэнь якась комитетэнь членесь Хоменко ялгась. Кортнесть эйкакшонт мартояк. Зярдэ эйкакшось мерсь: «мон вечкан ловномс книгат, саемс жо а косто» — Хоменко ялгась мерсь: «сакшнок книга мельга миненек». Елисеев максокшнось вал лоткамс кольнемадо ды кармасть парсте тонавтнеме. Сон топавты эсь валонзо.

Истя родительне лездыть школанть.

Сурцева.



СНИМКАСОНТЬ: Саранск ошонь 13-це № школань тонавтницань-отличникень группа.

Фотось Б. Козловонь.

МИНЕНЕК СЕРМАДЫТЬ

Мекс а эрсить военной налксемат

Вася Симонов ды Коля Юртаикин свал эрсекшныть вейсэ, ёвнекшныть вейкест-вейкест туртов эсь мелест-превест, арсемаст. Сын пионер. Тонавтни Майдан велень школасо вейке классо.

Аволь умок ловнось «Пионерская правда» газетасто статья «Разведка на войне». Ды кармасть кортнеме седе, што сынстэка эряволь бу тонавтнеме военной теветь, ютавнемс военной налксемат. Ульнесь пионерской налксема «На штурм». Ней являвтозь «Разведчики» налксема. А вана Майданонь школасонть мезеяк теде кортазгак арасель. Ули школасонть пионерской отряд, вожатой. Пионернэ а вест кортность, натои школань директоронть Ивашин ялганть мартояк, седе, штобу кармамс аноктамо «Разведчики» налксеманть. Ульнесть алтнематкак. Арась ансяк те.

Н. Григорьев.

Кочкуровской р-н.

Допризывникнень ютксо военной подготовкась

Подлесной Тавла велесэ парсте ладязь допризывникнень ютксо военной подготовкась. Тесэ организовазь Ворошиловской стрелоконь, ПВХО-нь ды ГСО-нь кружок. Эрванть эйсэ занятия ютавнть недляонзо колмоксть. Колхозонь правлениясь помещени макссь вадря, удобной. Допризывникне якить занятия ютавтомо аккуратно. Сын ютазь уш винтовканть материальной частензэ, наводканть. Курок кармить максомо норматнень «ВС» значоконть лангс.

А. Рябов вечксы эсензэ теветь. Сонзэ руководстванзо коряс весе допризывникне максызь телень норматнень ГТО-нь значоконть лангс.

И. Борисов.

Кочкуровской р-н.

Классной организатор

Косогор велень начальной школань 4-це «В» классонь отличницась Радайкина Настя кочказь классной организаторке.

Настянь ули вадря подходзо эсь ялгатнень, весе тонавтницатнень. Сон добовизе сень, што весе эйкакштне классонть эйсэ кирдить ванькеси, уроко—паро дисциплина.

И. Поздьякин.

Б.-Березниковской р-н.

Кода тонавтни активесь

Марксизмань-ленинзмань основатнень тонавтнемасть комсомолетнэнь ды од ломатнень вооружает покш знания, лезды тест касомс политически, разбираться СССР-нть внутренней ды международной положенинть востро, практической эсь работасонть.

Штобу содамс марксизмань-ленинзмань основатнень, сюналгавтомс эсь знаниянть—эряви содамс большевистской партианть героической историйнэ. Тень коряс комсомольской эрва активистэнь, комсомольской эрва работникэнь настольной книгакс должен улеме «ВКП(б)»-нь историйнэ краткой курсось.

Б.-Березниковской районсо ламо комсомолет серьезно овладають большевизмсонть, кеместэ тонавнть «ВКП(б)»-нь историйнэ краткой курсонть. Примеркс, Симкина велень школьной комсомольской организациянть секретаресь Т. И. Солодовников ялгась тонавтницэ ды законспектировал весе 12 главатнень. Сон ней кармасть тонавтнеме первоисточникнень. Большевистской партианть историйнэ содамось Солодовников ялганть лез-

ды практической работасонзояк. Сон корты, што ней тонадсь творчески подходить комсомольской организациянть роботань востро, решамонть, седе парсте ютавтнеме комсомольской собраниянть.

Вадрясто эсь лангсонзо роботы комсомолетнэсь Фадин ялгась (райзо). Сон истяжо тонавтницэ «ВКП(б)»-нь историйнэ краткой курсонть 12 главатнень. Эрва теманть коряс пользовался художественной литературасо. Тень лангс Фадин ялгась эзь ойма. Сон систематически роботы сень лангсо, штобу седе парсте овладеть марксизмань-ленинзмань основатнень.

Истят ялгатнеде, комсомольской активистнеде, конат серьезно тонавнть, кепедить эсест политической уровенест, тонавнть «ВКП(б)»-нь историйнэ краткой курсонть» весе главатнень,—районсонть ламо.

Но улить истят комсомолеткак, конат малав овси а роботыть эсест идейно-политической уровенест кепедманть лангсо. Вана зяряк примерт. Райзосо первичной комсомольской организациянть секретаресь Куприянов ялгась за-

конспектировал «ВКП(б)»-нь историйнэ краткой курсонь» васенце главатнень ды тень эйсэ прыдызе эсь тонавтнеманзо. Райфонь первичной комсомольской организациянть секретаресь Астайкин ялгась омбоце ие яла тонавтни васенце главатнень ды тень сон лави нормальной явлениакс. А тонавтни сонсь, а тонавнть комсомолетнэяк (Аношкин, Полужкин, Грязнов). Астайкин ялгась беряньстэ разбирается СССР-нть внутренней ды международной положенинть востро.

«Путь к социализму» колхозонь комсомольской организациянть секретаресь Зубенков ялгась прышныксь сеньсэ, што сон тонавтницэ «ВКП(б)»-нь историйнэ краткой курсонь» 1-це ды 2-це главатнень. Зярдэ жо максозель тензэ востро неть главатнень коряс—эзь отвечаво.

Улить комсомольской зярый активист, конат а содасызь партианть историйнэ сехте элементарной востро. Физкультурань ды спортонь теветнень коряс уполномоченность Прохорова ялгась мезеяк а соды ВКП(б)»-нь омбоце съездэнь. ВЛКСМ-нь райкомсо культкомиссиянть председателесь Зоткин ялгась (сон роботы народной судьякс)

ды комсомолетнэсь наредователесь Герасимов ялгась овси а тонавнть «ВКП(б)»-нь историйнэ краткой курсонть». А ловныть художественной литературыак. Истят ялгатнень, кодат Зоткин ды Герасимов, не тревожит политической эсь безграмотностесь, сын пренебрежения марто относится тонавтнеманть. А ведь сын лововить ВЛКСМ-нь райкомонть активистакс.

Комсомолонь райкомось пек аламо теи сень коряс, штобу весе комсомольской активист кармавомс тонавтнеме. Сень эйтэ, кода комсомольской активист кепеди эсь идейно-политической уровенезэ, ламодо зависит районсонть весе комсомольской роботанть состоянизо. Эряви добовамс сень, штобу активист весе комсомолетнэнь невтевел политической эсь образованинть кепедеманзо лангсо роботамонь пример.

Г. РОМАШКИН,

ВЛКСМ-нь райкомсо пропагандань ды агитациань коряс комиссиянть член.

Ответ. редакторось А. ЩЕГЛОВ.